



حضرت رقیه (س) نین، 61 هیجری قمری ایلینده «شام» دا شهادتی

حضرت رقیه (س) اباعبدالله الحسینین (ع) قیزی، اوچ یا دؤرد ایل کر بلا واقیعه سیندن قابق موقدس مدینه شهرینده دونیا یا گؤز آچدی. تاریخی منبعلرده آناسی نین آدی دوزگون یازیلما ییب. بیر احتمالا گؤره آناسی نین آدی «امولد» ایدی.

هر حالدا، ایمام حسین (ع) موقدس مدینه دن کؤچوب مکه یه ساری و اوردان دا کر بلا یه گئندنه، بو دؤرد یاشلی قیز دا او حضرتین او بیر بالالاری کیمی بو بؤیوک سفرده واریدی و وطن دن اوزاقلیغی و یاشاییشین بوتون چتینلیقلارینی تحمّل ائله دی.

ایمام حسینین (ع) شهادتیندن سونرا کر بلا واقعه سی نین او بیر قالانلاری کیمی، یزید قوشونونون اسیرلیغینا توشدو و کر بلادان کوفه یه و اوردان دا شاما آپاریلدی. نچه گون شامدا قالاندان سونرا و یزید و یزیدلرین قدارلیقلارین گوروب اسارت گونلرین عزابینا دؤزندن سونرا، دمشقده وفات ائله دی.

او حضرتین وفاتی نین هیجری قمری ایلی 61-جی ایلی نین صفر آییندا اولماسیندا شکّ یوخدور، اما بو کی صفرین هانسی گونونده وفات اندیب، دقیق خبر یوخدور. تکجه بعضی تقویملرده صفرین بیئشی او حضرتین وفات گونو یازیلیب.

موناسییدیر کی رحمتلیق شیخ عباس قمی (ره)، منتهی الآمال کیتابیندا "کامل بهایی" کیتابیندا ایمام حسینین (ع) بو خیردا قیزی نین باره سینده نقل ائله دیغی مطلبه ایشاره ائدک:

نبوت خاندانین خانیملاری، اسارت زمانیندا کر بلادا شهید اولان کیشیلرین حالینی، اؤز اوغول و قیزلاریندان گیزلی ساخلیردیلا و هر اوشاغا وعده وئریدیلر کی اتان فیلان سفره گئدیپ و قاییداجاق، تا بو کی اولناری یزیدین ائونه گتیردیلا. دؤرد یاشلی خیردا جا بیر قیز گنجه یوخودان آیلیب دئییر: منیم انا م حسین (ع) هاردادی؟ ایندی اونو یوخودا گوردوم. جوخ پریشانیدی. آروادلار و اوشاقلاری هامیسی آغلاماغا باشلادیلا و اوئولا سسی گویه قوزاندی. یزید یاتمیشدی، یوخودان آیلیب و جریانی سوروشدو. جریانی اونا خبر وئریدیلر. او ملعون دندی گئدیپ انا س نین موبارک باشین گتیره لر و اونون کنارینا قوبالار. او حضرتین موبارک باشین گتیریب دؤرد یاشلی قیزین بانینا قوبولار. سوروشدو بو نه منهدی؟ دندیلا آتاوین باشیدی!

خیردا جا قیز قورخدو و آغلاماغا باشلادی و بو قورخو اونو ناخوشلاتدی و نچه گون عرضینده جانین حقه تسلیم ائله دی.

معروف دیر کی حضرت رقیه شام خرابه سینده دونیادان گئندی. او حضرتین مزاری ایندی دمشقین بیر قدیمی بازارچاسی «اموی» مسجدیندن بیر آز آرالیدادیر و حسین حرمین عاشیقلری اونون زیارتینه گئدرلر.